

26 декабря, Мчч. Евстрáтия, Авксéнтia, Евгéния, Мардáрия и Орéста.

## 26 декабря, Мчч. Евстрáтия, Авксéнтia, Евгéния, Мардáрия и Орéста.

### ВЕЛИКАЯ ВЕЧЕРНЯ (СОКРАЩЕННАЯ)

*По окончании 9-го часа священник произносит начальный возглас:*

Благословén Бог наш всегда, ны́не и прísно, и во вéки веко́в.

**Чтец:** Амíнь.

Приидíte, поклонímся Царéви нáшему Бóгу.

Приидíte, поклонímся и припадём Христú Царéви нáшему Бóгу.

Приидíte, поклонímся и припадём Самомú Христú, Царéви и Бóгу нáшему.

Псалом 103

Благословí, душé моя, Гóспода. Гóсподи, Бóже мой, возвели́чился есí зело́. Во исповéдание и в велелéпоту облéклся есí. Оде́йся свéтом, я́ко рíзою, простира́й небó, я́ко ко́жу. Покрыва́й вода́ми превýспренняя Своя́, полага́й о́блаки на восхожде́ние Своё, ходя́й на крилú ветреню́. Творя́й А́нгелы Своя́ дýхи и слугí Своя́ пла́мень о́гненный. Основáяй зéмлю на твёрди ея́, не преклонíтся в век вéка. Бэ́дна, я́ко рíза, оде́яние ея́, на гора́х ста́нут во́ды, от запрещéния Твоегó побéгнут, от гласа гро́ма Твоегó убо́ятся. Восхо́дят гóры и нисхо́дят поля́ в мéсто, е́же основáл есí им. Преде́л положи́л есí, егóже не прéйдут, ниже́ обратят́ся покрьíти зéмлю. Посыла́й истóчники в дéбрех, посреде́ гор прóйдут во́ды. Напáют вся звéри сéльные, ждут она́гри в жа́жду свою́. На тýх птíцы небéсныя привита́ют, от сре́ды ка́мения да́дут глас. Напáяй гóры от превýспренных Сво́их, от пло́да дел Тво́их насы́тится зéмля. Прозяба́яй травú скотóм, и злак на слúжбу челове́ком, известí хлеб от зéмли. И вино́ веселíт сéрдце челове́ка, ума́стити лице́ елéем, и хлеб сéрдце челове́ка укрепíт. Насы́тятся древа́ польска́я, кéдри Ливáнстии, íхже есí насади́л. Та́мо птíцы вогнездят́ся, еродíево жили́ще предводителъствует íми. Гóры высóкия елéнем, ка́мень прибе́жище за́яцем. Сотвори́л естъ лунú во времена́, со́лнце позна́ запа́д свой. Положи́л есí тму, и бысть но́щь, в нейже прóйдут вси звéрие дубра́внии. Скíмни рыка́ющие, восхíтити и взыска́ти от Бóга пíщу себе́. Возсия́ со́лнце и собра́шася и в лóжах сво́их ля́гут. Изы́дет челове́к на де́ло своё и на де́лание своё до вéчера. Я́ко возвели́чишася дела́ Твоя́, Гóсподи, вся премýдростию сотвори́л есí, испóлнися зéмля тва́ри Твоея́. Си́е мо́ре вели́кое и простра́нное, та́мо га́ди, íмже несть числа́, живóтная ма́лая с вели́кими, та́мо корабли́ препла́вают, змий сей, егóже созда́л еси ругáтися е́му. Вся к Тебе́ ча́ют, да́ти пíщу им во бла́го вре́мя. Да́вшу Тебе́ им соберу́т, отвéрзшу Тебе́ ру́ку вся́ческая испóлнятся бла́гости, отвращу́ же Тебе́ лице́, возмьют́ся, отъймeши дух их, и исчéзнут, и в персть

**26 декабря, Мчч. Евстратия, Авксентия, Евгенія, Мардарія и Ореста.**

свою возвратятся. Послещи Духа Твоего, и созиждутся, и обновивши лице земли. Буди слава Господня во веки, возвеселится Господь о делах Своих, призирая на землю, и творяй ю трястися, прикасаясь горам, и дымятся. Воспой Господеви в животе моем, пою Богу моему, дондеже есмь, да усладится Ему беседа моя, аз же возвеселюсь о Господе. Да исчезнут грешницы от земли, и беззаконницы, якоже не быти им. Благослови, душе моя, Господа.

Солнце позна запад свой. Положил еси тму, и бысть ночь. Яко возвеличишася дела Твоя, Господи, вся премудростию сотворил еси.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже *(Трижды)*.

### **Ектения великая**

*Диакон:* Миром Господу помолимся.

**Лик:** Господи, помилуй *(на каждое прошение)*.

*Диакон:* О свѣшнем мире и спасѣнии душ наших, Господу помолимся  
*и прошения по чину.*

*Диакон:* Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

*Лик:* Тебе, Господи.

*Священник:* Яко подобает Тебе всякая слава, честь и поклонение, Отцу, и Сыну, и Святому Духу, ныне и присно, и во веки веков.

**Лик:** Аминь.

### **Кафизма 1**

**Лик:** Блажен муж, иже не иде на совет нечестивых.

Яко вѣсть Господь путь праведных, и путь нечестивых погибнет./ Аллилуиа, аллилуиа, аллилуиа, слава Тебе Боже.

Работайте Господеви со страхом, и радуйтесь Ему со трепетом./ Аллилуиа, аллилуиа, аллилуиа, слава Тебе Боже.

Блажени вси надеющиеся Нань. Воскресни, Господи, спаси мя, Боже мой./ Аллилуиа, аллилуиа, аллилуиа, слава Тебе Боже.

**26 декабря, Мчч. Евстрáтия, Авксéнтia, Евгéния, Мардáрия и Орéста.**

**Госпóдне ёсть спасéние, и на лю́дех Твои́х благословéние Твоё./**  
**Аллилу́иа, аллилу́иа, аллилу́иа, сла́ва Тебе́ Бо́же.**

**Сла́ва Отцú и Сы́ну и Свято́му Ду́ху, и ны́не и прýсно, и во ве́ки**  
**векóв./ Амíнь. Аллилу́иа, аллилу́иа, аллилу́иа, сла́ва Тебе́ Бо́же.**

**Аллилу́иа, аллилу́иа, аллилу́иа, сла́ва Тебе́ Бо́же. (Трижды)**

#### **Ектения малая**

**Диакон:** Па́ки и па́ки, ми́ром Го́споду помо́лимся.

**Лик:** Го́споди, помíлуй.

Заступи́, спаси́, помíлуй и сохрани́ нас, Бо́же, Твоею́ благода́тию.

**Лик:** Го́споди, помíлуй.

Пресвяту́ю, Пречисту́ю, Преблагословéнную, Сла́вную Влады́чицу на́шу Богоро́дицу и Присноде́ву Мари́ю  
со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

**Лик:** Тебе́, Го́споди.

**Священник:** Я́ко Твоя́ держа́ва, и Твоё есть ца́рство, и си́ла, и сла́ва, Отца́ и Сы́на и Свята́го Ду́ха, ны́не, и  
прýсно, и во ве́ки векóв.

**Лик:** Амíнь.

#### **Стихиры на «Господи, воззвах»**

**Канонарх:** Глас 4, Го́споди, воззва́ х к Тебе́ , услы́ ши мя.

**Го́споди, воззва́ х к Тебе́, услы́ши мя./ Услы́ши мя, Го́споди.**

**Го́споди, воззва́ х к Тебе́, услы́ши мя:/ вонми́ гласу́ моле́ния**  
**моего́, / внегда́ воззва́ти ми к Тебе́.// Услы́ши мя, Го́споди.**

**Да исправится моли́тва моя́,/ я́ко кади́ло пред Тобо́ю,/ возде́яние**  
**руку́ моею́/ – жéртва вече́рняя./ Услы́ши мя, Го́споди.**

**мчч. Евстрáтия, Авксéнтia, Евгéния, Мардáрия и Орéста на 3**

**На 6, стих:** А́ще беззако́ния на́зриши, Го́споди, Го́споди, кто постои́т? /

**Я́ко у Тебе́ очище́ние есть.**

Сияет пáмьятъ/ страсотѣрпца Твоегó, Господи, Евстрáтия,/ я́ко  
сóлнце, свѣтлостію/ скрýвшаго непобедíмыми словесý много-  
бóжие,/ я́коже несвѣтлу сень, упражняему от вѣры,/ и четýри со-  
страда́льцы/ и сообщники сотвóршаго./ Ёхже рáди нам дáруй  
очищѣние,// я́ко Человѣколюбец.

*Стих:* Ёмене рáди Твоегó потерпѣх Тя, Гóсподи, потерпѣ душá моя в слóво Твое/  
уповá душá моя на Гóспода.

Сияет пáмьятъ/ страсотѣрпца Твоегó, Господи, Евстрáтия,/ я́ко  
сóлнце, свѣтлостію/ скрýвшаго непобедíмыми словесý много-  
бóжие,/ я́коже несвѣтлу сень, упражняему от вѣры,/ и четýри со-  
страда́льцы/ и сообщники сотвóршаго./ Ёхже рáди нам дáруй  
очищѣние,// я́ко Человѣколюбец.

*На 4, стих:* От стра́жи ўтренния до нóщи, от стра́жи ўтренния, /  
да уповáет Изра́иль на Гóспода.

Кáменение познáти/ Твое́ Влады́чество/ Евстрáтий словѣсное  
устро́и,/ ощу́тити сѣ́лу в плóти своѣй Твою́ понúдивша,/ я́же от  
мук стра́шных отложѣти внеза́пно рáны/ и, лжу погубля́юща,/  
богослóвити Тя усты́,/ Иисýсе Всесѣ́льне,// Спáсе душ нáших.

*Стих:* Я́ко у Гóспода мѣ́лость, и мно́гое у Него́ избавлѣние,  
и Тóй избáвит Изра́иля от всѣ́х беззакóний его́.

Я́ко дóбре во́инствовав Царю́ сил,/ тебѣ са́маго, Евстрáтие,/  
прѣдал есѣ́ во́льно на мучѣ́ние/ и нýждную смерть,/ приводя́ с со-  
бо́ю лик мýчеников, блаже́нне./ С нѣ́миже пострада́л есѣ́/ и по-  
бе́ды прия́л есѣ́ венцы́;/ с те́ми моли́ся// о нас, всесла́вне.

*На 2, стих:* Хвалѣ́те Гóспода всѣ́ язы́цы, /  
похвалѣ́те Его́ всѣ́ лю́дие.

**26 декабря, Мчч. Евстрáтия, Авксéнтia, Евгéния, Мардáрия и Орéста.**

**Я́ко до́бре во́инствовав Царю́ сил,/ тебе́ сама́го, Евстрáтие,/ прéдал есѣ́ во́льно на мучéние/ и нúждную смерть,/ приводѣ́ с собо́ю лик мúчеников, блажéнне./ С нѣ́миже пострадал есѣ́/ и побéды приѣ́л есѣ́ венцы́;/ с тѣ́ми моли́ся// о нас, всесла́вне.**

**Стѣ́х:** Я́ко утверди́ся мѣ́лость Его́ на нас, /

**и ѣ́стина Господня́ пребывáет во вѣ́к.**

**Богомúдрый Евстрáтий,/ до́блѣй Авксéнтий,/ сла́вный Евгéний и Мардáрий/ со Орéстом до́бльствоваша, врагѣ́ победѣ́вшие/ и возсия́вшие я́ве, я́ко звéзды многосвѣ́тлы,/ уясни́ша вѣ́рных серде́ца/ и преле́сти отгна́ша тьму// светозаре́нием Дúха.**

**Слава , глас 6.**

**Сла́ва Отцу́, и Сы́ну, и Свято́му Дúху.**

**Приидѣ́те, мучениколю́бцы,/ Христо́вых страда́льцев в пѣ́снях почтѣ́м,/ Евстрáтия, непобедѣ́мага мúченика,/ Авксéнтia, и Евгéния, и Мардáрия, и Орéста,/ пятоза́рный мúчеников лик,/ ѣ́же до́бре подви́завшеся на невидѣ́мага врага́,/ и, венцы́ побéдными увязэ́ни,// мо́лятся Христу́ о ѣ́же вѣ́рою и любóвию соверша́ющих па́мять их.**

**И ны́не, глас 6:**

**И ны́не, и прѣ́сно, и во вѣ́ки веко́в. Ами́нь.**

**Кто Тебе́ не ублажи́т, Пресвята́я Дéво?/ кто ли не воспоёт Твоего́ Пречѣ́стаго Рожде́ства?/ безлётно бо от Отца́ возсия́вый Сын Единоро́дный,/ То́йже от Тебе́, Чѣ́стныя, прóйде,/ неизрече́нно вопло́щся:/ естество́м Бог Сый/ и естество́м быв Чело́вѣк нас ра́ди;/ не во двою́ лицу́ разделя́емый,/ но во двою́ естеству́/**

**26 декабря, Мчч. Евстрáтия, Авксéнтia, Евгéния, Мардáрия и Орéста.**

неслiтно познавáемый./ Тогó моли́, Чи́стая Всеблаже́нная,//  
помiловатися душáм нáшим.

### **Вечерняя песнь Сыну Божию**

Свéте Тiхий святýя сла́вы,/ Безсмéртнаго, Отца́ Небе́снаго,  
Свята́го Блаже́ннаго, Иису́се Христé./ Прише́дше на за́пад со́лн-  
ца,/ ви́девши свет вече́рний,/ поём Отца́, Сы́на и Свята́го Ду́ха,  
Бо́га./ Достóин еси́ во вся временá/ пёт бы́ти гла́сы преподо́бны-  
ми,/ Сы́не Бо́жий, живо́т дай,// те́мже мир Тя сла́вит.

**Диакон:** Во́нмем.

**Священник:** Мир всем.

**Лик:** И ду́хови твоemú.

### **Прокимен**

*В четверток вечера, глас 6:*

**Диакон:** Прему́дрость. Во́нмем. Прокiмен, глас 6.

Пóмощь моя́ от Го́спода, / сотво́ршаго не́бо и зе́млю.

**Лик:** Пóмощь моя́ от Го́спода,/ сотво́ршаго не́бо и зе́млю.

**Диакон:** Возведóх óчи мои́ в го́ры, отню́ду же приидет пóмощь моя́.

**Лик:** Пóмощь моя́ от Го́спода,/ сотво́ршаго не́бо и зе́млю.

**Диакон:** Пóмощь моя́ от Го́спода, /

**Лик:** сотво́ршаго не́бо и зе́млю.



Чтение паремий святителю

**Диакон:** Премудрость.

**Чтец:** Пророчества Исаиина чтение

**Диакон:** Вонмем.

**Чтец:** Тако глаголет Господь: вси языцы собрашася вкупе, и соберутся князи от них. Кто возвестит сий в них? Или яже от начала, кто слышана сотворит вам? Да приведут свидетели своя, и оправдятся, и да услышат, и да рекут истину. Будите Ми свидетели, и Аз Свидетель, глаголет Господь Бог, и Отрок Егоже избрах. Да познаете, и веруете Ми, и разумеете, яко Аз есмь, прежде Мене не бысть ин бог и по Мне не будет. Аз есмь Бог, и несть разве Мене спасающий. Аз возвестих и спасох; уничижих, и не бе в вас чуждий. Вы Мне свидетели, и Аз Господь Бог, и еще от начала Аз есмь, и несть от рук Моих избавляющий. Сотворю, и кто отвратит то? Сие глаголет Господь Бог, избавляющий вас, Святыи Израилев.

**Диакон:** Премудрость.

**Чтец:** Премудрости Соломоновы чтение

**Диакон:** Вонмем.

**Чтец:** Праведных души в руке Божией, и не прикоснется их мука. Непщевани быша во очесех безумных умерети, и вменися озлобление исход их, и еже от нас шествие сокрушение, они же суть в мире. Ибо пред лицом человеческим аще и муку примут, упование их безсмертия исполнено. И в мале наказани бывше, великими благодетельствовани будут, яко Бог искуси я и обрете их достойны Себе. Яко злато в горниле, искуси их и, яко всеплодие жертвенное, прият я. И во время посещения их возсияют и, яко искры по стеблию, потекут. Судят языком, и обладают людьми, и воцарятся Господь в них во веки. Надлежащие Нань разумеют истину, и вернии в любви пребудут Ему. Яко благодать и милость в преподобных Его, и посещение во избранных Его.

**Диакон:** Премудрость.

**Чтец:** Премудрости Соломоновы чтение

**Диакон:** Вонмем.

**Чтец:** Праведницы во веки живут, и в Господе мзда их, и попечение их у Вышняго. Сего ради примут Царствие благолепия и венец доброты от руки Господни, зане десницею покрывает я и мышцею защитит их. Приимет всеоружие рвение Свое и вооружит тварь в месть врагом. Облечется в броня правды и возложит шлем, суд нелицемерен. Приимет щит непобедимый, преподобие. Поострит же напрасный гнев во оружие; споборет же с ним мир на безумных. Пойдут праволучныя стрелы молниины и, яко от благокругла лука облаков, на на-

**26 декабря, Мчч. Евстратия, Авксентия, Евгения, Мардария и Ореста.**

мѣрение полетѣятъ. И от каменомѣтныя ярости исполнь падѹт грады, вознегодѹет на них вода морская, рѣки же потопѣят ѹ нагло. Сопротивъ станет им дух силы и, ѹко вѣхор, развѣет их и опустошитъ всю зѣмлю беззаконіе, и злодѣйство превратитъ престолы сильныхъ. Слѣшите ѹбо, царіе, и разумеѣте, навѣкните судий концѣв зѣмли. Внушите, держащии множества и гордящиися о народахъ языковъ, ѹко дана есть от Господа держава вамъ и сила от Вѣшняго.

### **Сугубая ектенія**

**Диакон:** Рцемъ всѣ от всеѣ душѣ, и от всего помышленія нашего рцемъ.

**Лик:** Господи, помилуй.

**Диакон:** Господи Вседержителю, Бже отецъ нашихъ, молимъ Ти ся, услыши и помилуй.

**Лик:** Господи, помилуй.

**Диакон:** Помилуй насъ, Бже, по велицей милости Твоеѣ, молимъ Ти ся, услыши и помилуй.

**Лик:** Господи, помилуй (*трижды*).

**Священникъ:** Яко Милостивъ и Человеколюбецъ Богъ еси, и Тебѣ славу возсылаемъ, Отцѹ и Сыну и Святому Дѹху, нынѣ и присно и во вѣки вѣковъ.

**Лик:** Аминь.

### **Молитва при наступлении вечера**

**Лик:** Сподоби, Господи, в вечеръ сей без грѣха сохранитися намъ./  
Благословенъ еси, Господи Бже отецъ нашихъ,/ и хвально и прославлено имя Твое во вѣки, аминь./

Буди, Господи, милость Твоя на насъ, ѹкоже уповахомъ на Тя./  
Благословенъ еси, Господи, научи мя оправданіемъ Твоимъ./ Благо-  
словенъ еси, Владыко, вразуми мя оправданіемъ Твоимъ./ Благо-  
словенъ еси, Святыѣ, просвети мя оправданіи Твоими./

Господи, милость Твоя во векъ, делъ рукѹ Твоею не презри./ Тебѣ подобаетъ хвала. Тебѣ подобаетъ пѣние,/ Тебѣ слава подобаетъ, Отцѹ и Сыну и Святому Дѹху, // нынѣ и присно и во вѣки вѣковъ. Аминь.

### **Ектенія просительная**

**Диакон:** Исполнимъ вечернюю молитву нашу Господевѣ.

**Лик:** Господи, помилуй.



## 26 декабря, Мчч. Евстрáтия, Авксéнтia, Евгéния, Мардáрия и Орéста.

**Диакон:** Вéчера всего́ совершénна, свѣта, мѣрна и безгрéшна у Гóспода прóсим.

**Лик:** Подáй, Гóсподи.

**Диакон:** Пресвяту́ю, Пречѣистую, Препоблагословéнную, Слáвную Владѣчицу нáшу Богорóдицу и Приснодéву Мари́ю со все́ми свѣты́ми помяну́вше, са́ми себé и друг дру́га, и весь живóт наш Христú Бóгу преда́дим.

**Лик:** Тебé, Гóсподи.

**Священник:** Я́ко благ и человеколю́бец Бог есѣ, и Тебé сла́ву возсыла́ем, Отцú, и Сы́ну, и Свято́му Дúху, ны́не и прѣсно, и во вéки веко́в.

**Лик:** Амѣнь.

**Священник:** Мѣр всем.

**Лик:** И дúхови твоeмú.

**Диакон:** Главы́ нáша Гóсподеви приклóним.

**Лик:** Тебé, Гóсподи.

**Священник:** Бúди держáва Цáрствия Твоегó благословéна и препрослáвлена, Отцá, и Сы́на, и Свята́го Дúха, ны́не и прѣсно, и во вéки веко́в.

**Лик:** Амѣнь.

### Стихиры на стиховне

мчч. Евстрáтия, Авксéнтia, Евгéния, Мардáрия и Орéста на 3

**Канонарх:** Глас 5, Столп светлoявлén, страдáльче,

Столп светлoявлén, страдáльче,/ íже мúдрости испущáя свѣтлoсть,/ воздвѣглся есѣ на высотú терпénия, мúдре,/ и к свѣту направился есѣ рáзума,/ нас Божéственными тво́ими свѣтлыми, Евстрáтие,/ мúдрыми словесы́ озаря́я, слáвне,/ твоéю любóвию окриля́емых, блажénне./ Тémже и похвалáми твою́ пáмять чтúще, мúчениче,/ от любвѣ Божéственного человеколю́бия прóсим улучѣ́ти тво́ими молѣ́твами// и мѣру даровáти вéлию мѣлoсть.

**Стих:** Воззвáша прáведнии,/ и Госпóдь услýша их.

Добрóтою и слáдoстию íстинною/ напóлнена чáша мúдрости твоeя́,/ винó благочéстия в сладчáйших, мúдре,/ и обѣльных словесéх излия́л есѣ,/ íмиже наслаждáеми, íстинно в немúтное/ и

**26 декабря, Мчч. Евстрáтия, Авксéнтia, Евгéния, Мардáрия и Орéста.**

слáдкое та́инственно возво́димся знáние Божéственное Вла-  
дýки, Евстрáтие./ Тёмже и похвалáми тво́я страдáния чтúще  
вéroю и любóвию,/ Божéственного человеколóбия прóсим улу-  
чúти тво́ими молíтвами// и мíру даровáти вéлию мýлость.

**Стих:** Мнóги скóрби прáведным,/ и от всех их избáвит я  
Госпо́дь.

Полк мýченический светозáрный,/ победонóсный, свéтлый и пя-  
точúсленный/ да почтíтся похвалáми,/ притяжáв свéтлаго  
верхóвника ýстинно Евстрáтия,/ тёпле изобличúвша ёллинския  
жёртвы,/ христиáном же Боговещáнная учéния утвердúвша сло-  
вёсными велéньми./ Сего́ úбо восхва́лим, наливáвшего мýдрости  
чáшу/ и духо́вно нас веселя́ща, Христа́ моля́ща,// подаю́щего  
мíру вéлию мýлость.

**Слава, глас 5:**

Слáва Отцý, и Сы́ну, и Святóму Дýху

Мýчащих свирéпства не убо́явшись,/ пáче Христóву вéру ýсне  
проповéдавшие,/ строгáния мнóгая и мýки претерпéсте,/ Ев-  
стрáтие и Авксéнтie,/ Евгéние и Орéсте и слáвный Мардáрие./  
Тёмже молíтеся Царю́ и Бóгу о нас,// вéroю совершáющих  
пáмять вашу.

**И ныне, глас 5:**

и нýне, и прýсно, и во вéки векóв. Амíнь.

Блаж́им Тя, Богорóдице Дéво,/ и слáвим Тя, вёрнии, по дóлгу,  
град непоколеб́имый,/ стéну необор́имую,// твёрдую  
Предстáтельница и прибéжище душ нáших.

**Молитва святого Симеона Богоприимца**

26 декабря, Мчч. Евстратия, Авксентия, Евгения, Мардария и Ореста.

**Лик:** Ны́не отпу́щаеши раба́ Твоего́, Влады́ко,/ по глаго́лу Твое-  
му́ с ми́ром:/ я́ко ви́деста о́чи мой спасе́ние Твое́,/ е́же еси́ уго-  
то́вал пред ли́цем всех люде́й,/ свет во открове́ние язы́ков,// и  
сла́ву люде́й Твои́х Изра́иля.

**Чтец:** Святы́й Бо́же, Святы́й Кре́пкий, Святы́й Безсме́ртный, поми́луй нас  
(трижды).

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.  
Пресвята́я Тро́ице, поми́луй нас; Го́споди, очисти грехи́ на́ша; Влады́ко, прости́  
беззако́ния на́ша; Святы́й, посети́ и исцели́ немо́щи на́ша, и́мене Твоего́ ра́ди.  
Го́споди, поми́луй (трижды).

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.  
О́тче наш, И́же еси́ на Небесе́х! Да святі́тся и́мя Твое́, да при́дет Ца́рствие Тво-  
е́, да бу́дет во́ля Твоя́, я́ко на Небеси́, и на землі. Хлеб наш насущный даждь нам  
днесь; и оста́ви нам до́лги на́ша, я́коже и мы оставля́ем должни́ком на́шим; и не  
введи́ нас во искуше́ние, но изба́ви нас от лука́ваго.

**Священник:** Я́ко Твое́ есть Ца́рство, и си́ла, и сла́ва, Отца́, и Сы́на, и Свята́го Ду́ха,  
ны́не и прісно, и во ве́ки веко́в.

**Лик:** Ами́нь.

### Тропари

Тропарь мчч. Евстратия, Авксентия, Евгения, Мардария и Ореста, глас 4:

Му́ченик всечестных́ све́тлость,/ пяточі́сленных́ страсоте́рп-  
цев воспо́ем,/ сла́ву земных́ презре́вших,/ со́лнца све́тлаго Ев-  
стра́тия,/ премудра́го витію́ со страда́льцы,/ на огонь и му́ки  
дерзну́вших за всех Ца́ря Христа́/ и от Престо́ла Того́ сла́вы  
по́честьми венце́в обдаре́нных./ Тех моли́твами, Христé Бо́же,//  
спаси́ ду́ши на́ша.

Сла́ва Отцу́, и Сы́ну, и Свято́му Ду́ху, и ны́не, и прісно, и во  
ве́ки веко́в. Ами́нь.

26 декабря, Мчч. Евстрáтия, Авксéнтia, Евгéния, Мардáрия и Орéста.

**Богородичен, глас 4:** Ёже от вéка утаённое/ и Ё́нгелом несвёдомое та́инство,/ Тобóю, Богорóдице, сýщим на земл́и яв́ися Бог,/ в несл́итном соединéнии воплощáем,/ и, Крест вóлею нас рáди воспри́йм,/ íмже воскресív первоздáннаго,/ спасé от смёрти дýши нáша./ Слáва Всельшемуся в Тя,/ слáва Прошédшему из Тебé,// слава Свободívшему нас Рождествóм Тво́им.

**Диакон:** Премúдрость.

**Лик:** Благословí.

**Священник:** Сый благословéн Христóс Бог наш, всегда́, ны́не и пр́сно и во вéки веко́в.

**Лик:** Амíнь. Утверд́и, Бóже,/ святýю правослáвную вéру, правослáвных христиáн/ во век вéка.

**Священник:** Пресвятáя Богорóдице, спасí нас.

**Лик:** Честнéйшую Херув́им и слáвнейшую без сравнéния Сераф́им, без истлéния Бóга Сло́ва рóждшую, сýщую Богорóдицу Тя величáем.

**Священник:** Слáва Тебé, Христé Бóже, упова́ние нáше, слáва Тебé.

**Лик:** Слáва Отцý и Сы́ну и Свято́му Дýху, и ны́не и пр́сно и во вéки веко́в. Амíнь. Гóсподи, помíлуй (*трижды*). Благословí. (или ....Влыдыко, благослови)

### Священник глаголет Отпуст

Христóс Ёстинный Бог наш, мол́твами Пречíстыя Своея́ Мáтере, предстáтельствы честн́х Небéсных Сил Безплóтных: святýх слáвных и всехвáльных Апóстол, свт. Николая, архиепископа Мир Ликийских, Чудотворца, прор. Авваку́ма, святýх прáведных Богоотéц Иоакíма и Ённы, и всех святýх, помíлуе и спасёт нас, я́ко Благ и Человеколю́бец.

### Многолетие

**26 декабря, Мчч. Евстрѣтія, Авксѣнтія, Евгѣнія, Мардарія и Орѣста.**

**Лик:** Вели́каго господі́на и отца́ на́шего Кири́лла,/ Святѣ́йшаго  
Патри́арха Москóвскаго и все́я Рѹси,/ богохрани́мую страну́  
на́шу Росси́йскую,/ настоя́теля, бра́тию и прихо́жан свята́го  
хра́ма сего́,/ и вся правосла́вныя христиа́ны,/ Го́споди, сохрани́  
их на мно́гая ле́та.